



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1415. usque ad annum 1431

Fleury, Claude

August. Vind. [u.a.], 1768

VD18 90118294

§. 82. Cardinalis Julianus Legatus in Germania contra Hussitas.

[urn:nbn:de:hbz:466:1-66272](#)

plicitus, ejus precibus annuere haud pos-
set, Palæologus rebus suis melius consul-
Sæcul. XV.
A. C. 1430.
tum iri ratus, cum Martino V. Pontifice
pacta antehac conventa renovare statuit;
quapropter novos ad eundem Oratores
ablegat, dato negotio, ea, quæ pro Syno-
do Constantinopoli celebranda fancita fu-
issent, effectui dare postularent. Atta-
men cum Pontifex jamjam Concilium
Basileæ cogendum indixisset, nec duo
Concilia simul uno eodemque tempore
haberi, rationi congruum existimaret,
Græcos sollicite admonuit, ut Basileense
accederent, sumptibus itineris ultro eis-
dem oblati. Nullatenus equidem Impe-
ratori hæc Pontificis declaratio arridebat,
immoderato tamen Turcas reprimendi ar-
dore devictus aquievit. Verum Pontifi-
ce paulo post mortalitatem exuente, no-
va suborta sunt obstacula.

§. LXXXII.

*Julianus Cæsarinus Cardinalis, Lega-
tus in Germania adversus Hus-
fitas.*

Hussitarum exercitus, postquam Sile-
Cochlaeus
siam, & Misniam devastaverat, ra-
biem suam ad ipsum quoque Bambergen-
sem Episcopatum, & Norimbergensem
ditionem extendisset, nisi ambo data in-
genti pecuniarum summa deprædationis
Hist. Eccles. Tom. XXVI. Rr pœ-

Sæcul. XV.
A. C. 1430.

pœnam redemissent. Martinus V. Pontifex percepta hac nova irruptione, per Cardinalem Julianum Cæsarini Virum doctissimum, & rerum experientia insignem contra hosce hæreticos alteram sacram expeditionem promulgavit, & per Bullam die undecima Januarii hujus anni datam dictum Cardinalem Legatum *a latere* in Germania creavit, ubi jam per aliquot tempus apud Sigismundum Imperatorem ad belli hujus negotium promovendum morabatur. Die vigesima prima Martii sacrum bellum indictum fuit, primum Norimbergæ, ubi omnes Electores & Principes Imperii tam Ecclesiastici, quam sœculares congregati fidem dabant, se validissimum exercitum instructuros, quo ad proximum S. Joannis festum in aciem educto pollicebantur, se Hussitarum omnia ferro flammaque devastantium furorem, ac undique terrorem incutientium impetus repressuros. Nihilominus Catholici nec in hoc bello meliore fortuna, quam antea, usi sunt.

§. LXXXIII.

*Idem Julianus Basileam ad Concilium
ablegatus.*

Bullar. te. I. Mart. V. Conf. 14. Cum interim Martinus Papa tam moni-
tis, quam doctrina Ecclesiam adver-
sus hosce hæreticos præmuniret, tempus
cele-